



XXX CONCURSO AUTONÓMICO DA RAZA FRISOA “FEFRIGA 2022” REGULAMENTO DO CONCURSO

1. ORGANIZACIÓN

Organizado pola **Federación Frisona Galega** (Fefriga) e a **Asociación de Empresarios de Muimenta**, coa colaboración das **Africores** e a **Consellería de Medio Rural**, celebrarase o **XXX Concurso Autonómico da Raza Frisona “Fefriga 2022”**, durante os días 2 e 3 de Abril, nas instalacións do Recinto Feiral Manuel Vila de Muimenta - Cospeito, Lugo.

2. FINS

Os fins que se perseguen coa celebración destes certames son os seguintes:

- 2.1. Estimular ós gandeiros na cría de animais de alta calidade xenética, capaces de producir e reproducirse durante moitos anos, como medio de rendibilizar as súas explotacións.
- 2.2. Orientar ós gandeiros sobre as tendencias actuais de selección e mellora gandeira no ámbito Internacional.
- 2.3. Poñer de manifesto o alto nivel xenético e morfolóxico dos animais criados en Galicia.
- 2.4. Orientar os nosos xóvenes cara unhas correctas e rendibles tarefas de selección, proporcionándolles coñecementos básicos para desenvolver as mesmas con éxito.
- 2.5. Promocionar ás ganderías participantes para que desta maneira poidan ocupar o lugar que lles corresponde no Mercado Nacional e Internacional de animais selectos.

3. COMISIÓN ORGANIZADORA

Corresponde a esta, a organización e todo o relacionado cos certames e servizos inherentes ós mesmos, así como a aplicación do presente Regulamento.

4. XURADOS

Durante a celebración dos certames actuarán os seguintes xurados:

4.1. DE ADMISIÓN

O Xurado de admisión está composto por:

- D. Fernando Rodríguez Gandoy (Africor-Lugo)
- D. José Rodríguez López (Africor-Pontevedra)
- D. Marcos Costoya Vázquez (Africor-Coruña)

Serán misións específicas do Xurado de Admisión as seguintes:

- 4.1.1. Colaborar co Servizo Veterinario de Inspección Sanitaria, para garantir que cada animal se presente coa documentación esixida.
- 4.1.2. Revisar a documentación xenealóxica, a súa correspondencia cos animais presentados e cos datos que figuran na Cédula de Inscripción.
- 4.1.3. Comprobar a preparación e presentación dos animais, e rexeitar aqueles que non acaden o nivel mínimo esixido, de acordo co prestixio do concurso, e/ou que non teñan en regra toda a documentación.
- 4.1.4. Velar polo cumprimento do disposto neste Regulamento e moi especialmente no que fai referencia os apartados sobre benestar animal, informando de inmediato á Comisión Organizadora de calquera infracción que puideran observar.



4.1.5. Elevar propostas á Comisión Organizadora sobre cantas modificacións ou medidas consideren necesarias para o mellor desenvolvemento dos concursos e actividades.

4.2. DE CUALIFICACIÓN

Estará composto por un só Xuíz, a quen acompañará un axudante de pista, co fin exclusivo de facilitarlle as listas do gando concursante, preparar a constitución das seccións e subministrarlle cantos datos solicite do gando concursante.

Serán misións do Xuíz:

4.2.1. A eliminación de pista en cada sección, se procede, de aqueles animais que non reúnan as condicións mínimas para o seu xulgamento.

4.2.2. Clasificación do resto de animais en cada sección por orde de méritos morfolóxicos, quedando finalmente colocados na pista seguindo dita orde.

4.2.3. Outorgamento dos premios, mencións honoríficas e campionatos que especifica o Programa.

4.3. Por parte da Entidade Organizadora, facilitarase ós Xurados cantos medios sexan precisos para a mellor realización do seu traballo.

4.4. O xurado terá amplas facultades para incluír en seccións distintas os exemplares, que con arranxo ao Programa do certame, estean situados en aquelas que non lles corresponda por razón de idade.

4.5. O xurado non poderá crear novos premios sobre os que figuren nas seccións correspondentes do Programa, nin outorgar os que puideran quedar desertos, sen autorización da Comisión Organizadora.

4.6. De igual forma, se o Xurado considera que nalgunha sección os animais presentados non merecen ser premiados, poderá deixar deserto un, varios ou a totalidade dos premios que dita sección ou seccións teñen previstos no Programa.

4.7. Unha vez clasificados e premiados os animais de cada sección, o Xurado redactará e asinará a acta correspondente (por triplicado), onde figurarán os animais premiados por orde de categorías.

4.8. As decisións do Xuíz cualificador serán inapelables.

4.9. Todas aquelas cuestións que excedan ás competencias do Xurado de Admisión e/ou do Xuíz Cualificador, así como calquera incidencia que se presente e non estea prevista neste Regulamento, ou as dúbidas que puideran existir na interpretación do mesmo, serán resoltas pola Comisión Organizadora do Certame.

5. PARTICIPACIÓN

5.1. Poderán participar neste Certame todas as explotacións con animais que estean inscritos no Libro Xenealóxico da Raza Frisona, facendo a correspondente solicitude á “FEDERACIÓN FRISONA GALEGA”.

5.2. Só se imporán limitacións en canto ó número de exemplares a presentar, cando as solicitudes rebasen as posibilidades de aloxamento de animais, en cuxo caso e tendo en conta de que se trata dun concurso de gando leiteiro, darase preferencia ás ganderías que concorran con animais adultos.

5.3. Cédula de inscrición: a organización proveerá da correspondente cédula de inscrición que, unha vez **cumprimentada e asinada**, deberá ser remitida a: *Federación Frisona Galega (FEFRIGA) – Rúa Melide, 25-27 Baixo – 15705 Santiago – A Coruña.*

5.4. O prazo de admisión de solicitudes rematará o día 18 de Febreiro de 2022.



6. CONDICIÓNS XERAIS

6.1. Dado o carácter de Concurso Autonómico só poderán participar animais nados en Galicia e propiedade de ganderías galegas.

6.2. En todo caso, será condición indispensable que todos os animais concursantes estean inscritos no Libro xenealóxico da raza frisoa e a nome da gandería que os presenta, á data de admisión de solicitudes.

6.3. Como data de referencia para o encadramento dos animais nas diferentes seccións do programa, tomarase o día 31 de Marzo de 2022.

7. CONDICIÓNS SANITARIAS

A organización deberá notificar ao Servizo Provincial de Gandaría da Xefatura Territorial de Lugo da Consellería do Medio Rural, cunha antelación mínima de 40 días ao inicio do evento, os datos dos animais (identificación individual e explotación de orixe) que teñan intención de acudir ao mesmo.

Durante a realización do evento, os animais serán mantidos en instalación nas que previamente se aplique un protocolo adecuado de limpeza, desinfección, desinsectación e desratización.

Os animais serán mantidos durante todo o tempo de duración do evento en instalación nas que se lles procurará alimento, bebida e condición ambientais de acordo cas súas necesidades fisiolóxicas e etolóxicas.

Os animais destinados a exposición/concurso e poxe/venda estarán suficientemente separados, na medida do posible.

Antes da entrada no recinto todos os animais serán sometidos a recoñecemento sanitario por parte dos Servizos Veterinarios Oficiais da Consellería de Medio Rural, que comprobarán o estado sanitario dos mesmos e a documentación de orixe que os acompañe. Non se admitirá a entrada no recinto daqueles animais que non presenten un adecuado estado de saúde ou presenten algún incumprimento na documentación de acompañamento.

A entidade organizadora do evento será responsable de que todos os animais admitidos cumpran os requisitos deste Regulamento.

As normas sanitarias deste Regulamento estarán vixentes mentres a situación epizootiolóxica non cambie, estando suxeitas a posibles modificación que, de ser o caso, serían debidamente comunicadas.

O servizo de Gandaría da Xefatura Territorial de Lugo da Consellería do Medio Rural resérvase, en caso de dúbida, a potestade de efectuar as comprobacións pertinentes respecto ao estado sanitario dos animais.

7.1. PROCEDENCIA DOS ANIMAIS

Todos os animais deberán proceder de explotación situadas no territorio da Comunidade Autónoma de Galicia e non estarán sometidas a ningunha medida de restricción sanitaria ou de prohibición de movementos por motivos de policía sanitaria.

Deberán ser transportados en vehículos autorizados e rexistrados para tal fin, que cumpran as normas de benestar animal e de limpeza e desinfección de vehículos, e deberán dispoñer do correspondente Certificado de Limpeza e Desinfección previo á carga.



Así mesmo, unha vez descargados os animais, os vehículos deberán proceder a unha limpeza e desinfección no Centro de Limpeza e Desinfección autorizado máis próximo, que emitirá o correspondente Certificado de Limpeza e Desinfección.

Tanto os transportistas como os vehículos de transporte estarán rexistrados e autorizados de acordo coa normativa aplicable. Os condutores e coidadores dispoñerán dos certificados de competencia preceptivos.

7.1.2. Identificación dos animais

Os animais que concorran ao evento deberán estar identificados individualmente conforme á normativa de identificación vixente para o gando bovino (Regulamento (CE) 2021/520, do 324 de marzo; Real Decreto 1980/1998, do 18 de setembro).

7.1.3. Documentación sanitaria

Todas as partidas de animais irán provistas da seguinte documentación sanitaria:

- Dado que todos os animais deben proceder da Comunidade Autónoma de Galicia poderán asistir acompañados do documento oficial que acredite a máxima cualificación sanitaria da explotación (acreditación sanitaria/folla de saneamento), na que figuren rexistrados os animais obxecto de traslado. Esta documentación amparará tamén aos animais nados na explotación posteriormente á realización das probas de saneamento gandeiro que non figuren no documento. No caso de non cumprir estes requisitos, deberán viaxar acompañados de Guía de Orixe e Sanidade Pecuaria.
- Certificado Oficial, expedido polo correspondente Servizo Provincial de Gandaría, no que se acrediten os requisitos sanitarios de carácter específico que se sinalan no apartado B.
- Certificado veterinario no que conste que os animais se someteron a tratamento antiparasitario interno e externo, nos 30 días previos ao traslado

7.2. NORMAS DE CARÁCTER ESPECÍFICO

Só poderán concorrer ao evento os animais procedentes de explotación Oficialmente Libres de Tuberculose, Oficialmente libres de Brucelose, Oficialmente indemnes de Leucose Enzoótica Bovina e Libres de Perineumonía Contaxiosa Bovina.

Ademáis, nos 30 días anteriores á celebración do vento (15 días no caso de IBR) os animais que participen no mesmo, deberán cumprir os seguintes requisitos:

7.2.1. Tuberculose Bovina

- Se os animais asisten ao evento con finalidade de exposición/concurso non precisarán probas.
- Se os animais asisten ao evento con finalidade de poxa/venda, unicamente precisarán probas no caso de que foran incorporados na explotación de orixe con posterioridade á realización da última campaña de saneamento. Neste caso, aos animais maiores de 6 semanas deberán ser negativos a unha proba de intradermotuberculinización bovina simple (IDTBS), conforme ao Anexo I do Real Decreto 2611/1996, do 20 de decembro, Regulamento delegado (UE) 2020/689, do 17 de decembro e Programa nacional de erradicación de tuberculose bovina 2022.

7.2.2. Rinotraquite infecciosa bovina (IBR)

Os animais maiores de 9 meses presentarán resultado negativo ás probas de detección de anticorpos específicos fronte á glicoproteína gE do virus da IBR, nos 15 días previos ao



movemento e, no caso de animais que retornen a explotación IBR3 ou IBR4, deberán realizar unha nova proba de detección da gE con resultado negativo os 21 días de entrada na explotación.

7.2.3. Diarrea Vírica Bovina (BVD)

Todos os animais presentarán unha proba negativa de detección de antíxeno fronte á Diarrea Vírica Bovina. En animais menores de 3 meses a proba realizarase en amósega de orella.

Os animais menores de 3 meses tamén deberán obter resultado negativo á proba serolóxica de detección de anticorpos específicos fronte á p80 do virus BVD.

As femias xestantes deberán presentar resultados negativos á proba serolóxica de detección de anticorpos específicos frote á p80 do virus BVD. Só se permitirá a entrada de femias positivas a BVD anticorpos se existe constancia documental laboratorial de que a dita positividade é anterior ao inicio do período de xestación da femia, ou no caso de ter sido vacinadas con vacina viva, acreditarán documentalmente este feito.

7.2.4. Paratuberculose

Os animais maiores de 9 meses presentarán resultado negativo ás probas de detección de anticorpos fronte a paratuberculose (*Mycobacterium avium*, subsp. Paratuberculose)

7.2.5. Neosporose

Os animais maiores de 9 meses que asistan ao certame co obxectivo de poxa/venda, deberán presentar un resultado negativo ás probas para a detección de anticorpos fronte á Neosporose Bovina.

7.2.6. Lingua azul

As medidas en relación con esta enfermidade están establecidas na Orde APA/1251/2020, do 21 de decembro, pola que se establecen medidas específicas de protección en relación coa Lingua Azul. A comunidade Autónoma de Galicia é zona libre de Lingua Azul. Ademais, as datas de celebración deste evento están incluídas no período estacionalmente libre de circulación do vector.

Os animais non presentarán signos clínicos de Lingua Azul o día do seu transporte e deberán permanecer durante todo o tempo que dure o evento en instalación nas que se leve a cabo u adecuado protocolo de desinsectación.

Todas a probas indicadas no apartado 7.2. deben realizarse nun laboratorio oficial.

8. TRANSPORTE DE GANDO

8.1. O transporte de animais correrá a cargo da organización do Concurso.

8.2. É obrigatorio que os vehículos que transporten o gando estean debidamente desinfectados e que o xustifiquen co correspondente talón de desinfección.

9. ENTRADA DO GANDO

9.1. A entrada do gando realizarase o venres 01 de Abril de 2022 antes das 15:00 horas, non tendo dereito a entrar os animais que sexan presentados despois da citada hora.

9.2. A autorización de entrada do gando nas naves realizarase previa presentación e comprobación da documentación sanitaria esixida. Unha vez admitidos, os animais concursantes



deberán, obrigatoriamente, ocupar as prazas que para eles están reservadas na área de Concurso; aqueles animais

que non cumpran con estes requisitos perderán o seu dereito a participar así como todas as axudas ás que, como gando Concursante, teñan dereito.

9.3. Unha vez admitidos, os animais presentados non poderán ser retirados do recinto ata rematar o Certame salvo caso de enfermidade, accidente ou forza maior que así o aconselle.

9.4. A custodia e manexo dos animais así como a súa presentación en pista, correrá a cargo dos seus propietarios, se ben, a organización procurará facilitarlles, no posible, estes cometidos.

9.5. Para axilizar as tarefas de lavado, prohibese expresamente que as áreas destinadas a este cometido permanezan ocupadas por outros animais distintos ós que os respectivos cuidadores estean lavando en cada momento.

10. SEGURO

10.1. A organización proveerá ós animais participantes dun seguro que cubra os riscos de accidentes ou enfermidades producidos como consecuencia da súa participación no concurso exposición.

10.2. O mencionado seguro cubrirá os riscos descritos, durante o período de tempo comprendido entre os días 30 de marzo e 8 de abril de 2022.

10.3. Para ter dereito ó cobro da indemnización pertinente, o propietario dun animal enfermo ou accidentado, deberá comunicar inmediatamente á organización, a identificación do animal e o cadro clínico que presente, certificado por un veterinario, para que esta poida facer as comprobacións necesarias e se o considera oportuno, ordenar o seu sacrificio, para evitar sufrimentos innecesarios.

10.4. Só se consideran amparados polo seguro aqueles animais que figuren na cédula de inscrición.

10.5. Para a valoración dos animais a efectos de seguro, adoptárase o seguinte Baremo:

Xatas menores de 1 ano 1.500€

Xovencas de 12 a 18 meses 2.000€

Xovencas de máis de 18 meses 2.500€

Vacas de máis de 2 anos 3.200€

Vacas cualificadas MB ou EX 4.500€

Para as femias xestantes de máis de 3 meses contratarase unha póliza complementaria que cubra os riscos de aborto. Só terán dereito a esta cobertura os animais que veñan reseñados na Cédula de Inscrición como xestantes e a xestación estea certificada por un veterinario; a indemnización a percibir en caso de sinistro será o 25% do valor asegurado.

11. ALIMENTACIÓN E LIMPEZA

11.1. A organización facilitará as cantidades de forraxe e penso, necesarios para a alimentación dos animais.

11.2. Subministrárase a todos os participantes palla en cantidade dabondo para as camas do gando exposto. O subministro realizarase diariamente ao pechar a feira.

11.3. O recambio das camas correrá a cargo dos expositores, este deberá ser realizado durante as horas en que permaneza pechado ó público o recinto feiral e sempre antes das 08:00 horas.

11.4. Os participantes aceptan expresamente, para facilitar as tarefas de limpeza, depositar a palla e o esterco, exclusivamente nas carretillas e/ou contenedores destinados a este fin.

11.5. O lavado e pelado dos animais realizarase nos puntos que a organización determine e dispoña para este menester, quedando expresamente prohibido realizalo fora de ditas áreas.



12. CARTEIS

Autorízase ás ganderías participantes, o uso de dous tipos de carteis, (de gandería e de identificación). Estes deberán estar colocados na parte dianteira das prazas que ocupan os animais, e sempre sen rebasalas. A altura dos mesmos nunca será superior a 1 m.

12.1. GANDERÍA

Nel poderá figurar o nome da Gandería ou Empresa, propietaria dos animais expostos.

En caso de gandeiros particulares e que se presenten a Concurso como Asociación, Cooperativa, S.A.T., etc, poderá figurar o nome da mesma.

12.2. IDENTIFICACIÓN

A organización proveerá ás Ganderías participantes, dos correspondentes carteis de identificación para cada un dos animais expostos, nos que figurará: NOME DO ANIMAL, CIB, PAI, NAI, PROPIETARIO (*).

(*) No caso de animais propiedade de varios gandeiros, só poderá figurar o nome da Sociedade propietaria ou o da explotación na que se atopa animal.

13. PREPARACIÓN DOS ANIMAIS

13.1. Os animais serán preparados da maneira máis natural posible evitando prácticas e/ou produtos que poidan afectar a súa saúde, benestar e/ou morfoloxía.

13.2. O enchido e/ou balanceado das ubres realizarase de maneira natural, en base o leite que produce o propio animal, estando expresamente prohibida a utilización de calquera produto ou sustancia que poida alterar o seu aspecto.

13.3. A fin de asegurar o cumprimento do disposto no punto anterior, todos as vacas en lactación serán sometidas ao escaneado da ubre antes de entrar a pista, sendo rexeitado no caso de detectar calquera sustancia sospeitosa.

13.4. Durante a celebración do certame, a organización poderá ordenar a realización do escaneado da ubre de calquera vaca presente no Recinto Feiral.

13.5. O non presentar un animal para sometelo ao escáner do ubre ou o negarse a que se lle realice dita proba, dará lugar a súa descualificación e á perda de todos os premios e títulos conseguidos, os cales serán asignados ó seguinte animal clasificado.

14. PRESENTACIÓN DO GANDO EN PISTA E EXHIBICIÓNS

14.1. A presentación do gando en pista, cantas veces sexan necesarias para a súa cualificación, así como a súa participación nas exhibicións que determine a organización, será obrigatoria, debendo ser conducido polos propietarios, presentadores e/ou persoal o seu cargo.

14.2. Será obrigatorio para todos os manexadores que presenten gando en pista, ir uniformados con camisa e pantalón brancos.

14.3. Os animais que non sexan presentados a pista no momento que sexan requiridos para o seu xulgamento serán descualificados.

14.4. Para mellor control dos traballos de cualificación, así como para orientación do público en xeral, os animais estarán debidamente identificados con números correlativos, que coincidirán cos do Catálogo do Concurso.

14.5. Para poder establecer unha correcta valoración dos animais, a orde de saída a pista será asignado por rigurosa orde de idade empezando sempre polos animais máis novos de cada sección.



15. ASISTENCIA SANITARIA

Durante a celebración do Certame funcionará no recinto feiral unha clínica veterinaria con servizo gratuíto durante as 24 horas do día, á que poderán acudir cantos expositores o precisen, para a atención do seu gando.

16. AXUDAS E INCENTIVOS Á PARTICIPACIÓN

16.1. A Federación Frisona Galega outorgará unha axuda por animal presentado ó Concurso Autonómico Fefriga '22 de:

100€ por xata e xovenca (Sec.: 1, 2, 3, 4, 6, e 7)

150€ por vaca (Sec.: 11, 12, 13, 15, 16, 18, 19 e 20)

16.2. Todos os animais colocados en 1º lugar das respectivas seccións, así como os campións e subcampións nos distintos campionatos, serán fotografados gratuitamente por Mauricio de los Santos, fotógrafo oficial do concurso. Será obrigatoria a presentación do animal para ser fotografado, quedando despojado dos premios que lle fosen concedidos de non facelo.

16.3. Xenética de Fontao agasallará a todas as Ganderías participantes, con 5 doses de CAMELO. Ademais, todas aquelas que participen con máis de dous animais, recibirán: 5 doses de MONIN e 5 doses de KENT.

16.3.1. Igualmente, á femia mellor clasificada en cada sección individual, filla dun touro da súa propiedade, Xenética de Fontao outorgará os seguintes premios:

Becerras (seccións 1, 2, 3 e 4) 100 €

Xovenças (seccións 6, e 7) 200 €

Vacas (seccións 11, 12, 13, 15, 16, 18, 19 e 20) 300 €

16.4. Todas as ganderías recibirán un agasallo-recordo do certame.

17. PREMIOS, TROFEOS E TÍTULOS

Todos os gandeiros expositores recibirán os premios, escarapelas, estandartes e trofeos que se mencionan nas diferentes seccións do programa.

17.1. SECCIÓNS. Escarapela ós 5 primeiros animais clasificados en cada unha das seccións individuais. Ademais nas seccións de vacas en lactación (11, 12, 13, 15, 16, 18, 19 e 20), concederase o título único de Mellor Ubre.

17.2. CAMPIONATOS. Concederase escarapela ás campionas e subcampionas, e os premios en metálico seguintes, co patrocinio de Xenética Fontao:

Campiona 150€

Subcampiona 50€

17.3. MELLOR CRIADOR DE XOVENÇAS: estandarte ao mellor e segundo criador. Celebrarase en pista, presentando cada gandería un lote de tres animais nados na súa explotación, e concederase os premios en metálico seguintes, co patrocinio de Xenética Fontao:

Mellor Criador 300€

Segundo Criador 150€

17.4. MELLOR CRIADOR DE VACAS: estandarte ao mellor e segundo criador. Celebrarase en pista, presentando cada gandería un lote de tres animais nados na súa explotación, e concederase os premios en metálico seguintes, co patrocinio de Xenética Fontao:

Mellor Criador 600€

Segundo Criador 300€

17.5. GRANDES CAMPIONATOS. Estandarte e trofeo. Igualmente, concederase estandarte á Xovenca e á Vaca Gran Campiona Reserva, e os premios en metálico seguintes, co patrocinio de Xenética Fontao, nos premios correspondentes ao concurso Autonómico:



Novilla Gran Campiona 600€

Vaca Gran Campiona 1.000€

17.6. MELLOR MANEXADOR: Estandarte. Concederáse este título ao Manexador que ao longo de todo o Certame demostre maior habilidade e profesionalidade no manexo e presentación de animais en pista.

17.7. MELLOR GANDERÍA DE NOVA PARTICIPACIÓN: Escarapela. Concederáse un 1º e 2º premio, segundo os puntos obtidos durante o Concurso, ás ganderías que non participaran con anterioridade ao ano 2021 no CONCURSO AUTONÓMICO. Puntuarán os cinco mellores animais presentados en pista, co seguinte baremo:

	1º	2º	3º	4º	5º
Vacas	20	18	16	14	12
Xatas e Xovencas	10	9	8	7	6

18. PROTECCIÓN DE DATOS

Normativa: Regulamento (UE) 2016/679 RGPD e LOPDGDD 3/2018.

Responsable do tratamento: FEDERACION FRISONA GALEGA - NIF: V15320112

Enderezo: Rúa Melide, 25-27 Baixo, 15705 Santiago de Compostela (A Coruña) España

Teléfono: 981573879 - Correo electrónico: fefriga@fefriga.com

Finalidade e lexitimación do tratamento:

1. Xestionar a súa participación no concurso. Podemos tratar os seus datos con esta finalidade porque existe unha relación contractual, de conformidade co Real Decreto de 24 de xullo de 1889 polo que se publica o Código Civil e demais lexislación aplicable.

2. Xestión contable. No caso de que resulte gañador do sorteo, poderemos tratar os seus datos con esta finalidade porque existe unha obriga legal establecida na Lei Orgánica 1/2002, de 22 de marzo, reguladora do Dereito de Asociación.

3. Xestión fiscal. No caso de que resulte gañador do concurso, poderemos tratar os seus datos con esta finalidade porque existe unha obriga legal establecida na Lei 58/2003, de 17 de decembro, Xeral Tributaria.

4. Realizar actividades de promoción.

a) No caso de que resulte gañador dalgún dos premios do concurso, trataremos os seus datos (nome, apelidos e/ou imaxe) para dar a coñecer os resultados do mesmo mediante a súa publicación na web corporativa da entidade. Poderemos tratar os seus datos porque existe un interese lexítimo da entidade de dar transparencia ós resultados do concurso.

b) No caso de que nos teña outorgado o seu consentimento, trataremos os seus datos (imaxe) para dar a coñecer as actividades organizadas pola entidade, mediante a súa publicación na páxina web, medios de comunicación ou memorias anuais da Federación. Poderemos tratar os seus datos na base ó consentimento outorgado.

5. Realizar a entrega de axudas e incentivos pola súa participación no concurso. Podemos tratar os seus datos con esta finalidade porque existe unha relación contractual de conformidade co Real Decreto de 24 de xullo de 1889 polo que se publica o Código Civil e demais lexislación aplicable.

Conservación dos datos



- a) No caso de non resultar gañador, os seus datos conservaranse durante un prazo razoable para atender a calquera reclamación dende o remate do mesmo.
- b) No caso de que resulte gañador do concurso, os seus datos conservaranse durante o tempo necesario para realizar a xestión contable e fiscal, e debidamente bloqueados, durante o prazo de prescripción das accións legais.
- c) Para as actividades de promoción os seus datos conservaranse mentras exista o interese lexítimo e/ou non retire o seu consentimento.

Obriga de facilitar os datos

Os datos solicitados son necesarios para poder inscribirse, do contrario non poderá participar no concurso. As autorizacións non son obrigatorias.

Destinatarios de datos

- a) Cederanse os datos do gañador (nome, apelidos e imaxe) a usuarios da páxina web, prensa, outros medios de comunicación porque nos ten dado os seu consentimento.
- b) Cederanse os datos do gañador á Administración Tributaria, para o cumprimento das obrigas legais.
- c) Comunicaranse os seus datos a Conafe para poder realizar os trámites necesarios de rexistro, como participación, premios outorgados, etc.
- d) Comunicaranse os seus datos ós nosos encargados de tratamento cando fose preciso para a prestación dos servizos contratados ós mesmos.

Transferencia de datos a terceiros países

Non se realizarán Transferencias Internacionais de datos.

Dereitos do interesado

- Acceso: dereito a obter confirmación sobre se estamos tratando datos persoais seus ou non, a saber, cáles son, para que se usan, canto tempo se van gardar, a orixe dos mesmos e si se teñen comunicado ou se van comunicar a un terceiro.
- Rectificación: dereito a solicitar a rectificación dos datos inexactos e a que se completen os datos persoais incompletos.
- Supresión: dereito a solicitar a supresión dos datos de carácter persoal cando sexan inadecuados, excesivos ou xa non sexan precisos para os fins para os que foron recollidos, incluído o dereito ó olvido.
- Oposición: dereito a opoñerse, en determinadas circunstancias, a que se realice o tratamento dos seus datos persoais ou a solicitar que se cese no tratamento.
- Limitación do Tratamento: dereito a solicitar, nas circunstancias establecidas legalmente, que non se traten os seus datos máis alá da mera conservación dos mesmos.
- Portabilidade: dereito a recibir os datos de carácter persoal nun formato estruturado, de uso común e lectura mecánica, e poder transmitilos a outro responsable, sempre que sexa técnicamente posible.
- Dereito a retirar o consentimento: poderá retirar o seu consentimento en calquera momento dirixíndose por escrito ó enderezo do responsable do tratamento, pero os tratamentos que xa se teñan efectuado continuarán sendo válidos.

Exercicio dos dereitos

O exercicio de dereitos deberá efectuarse por escrito, dirixíndose a Rúa Melide, 25-27 Baixo, 15705 Santiago de Compostela (A Coruña) ou ó enderezo electrónico fefriga@fefriga.com. FEDERACION FRISONA GALEGA pon a súa disposición modelos para a realización do



exercicio de dereitos que poden obterse no enderezo ou a través do correo electrónico indicado anteriormente. Para máis información: www.agpd.es.

Dereito de reclamación ante a Autoridade de Control

No caso de que non se teñan respetado os seus dereitos pode presentar unha reclamación dirixíndose por escrito á Axencia Española de Protección de Datos sita na rúa Jorge Juan, 6-28001-Madrid ou utilizar a sede electrónica: <https://sedeagpd.gob.es>. En ambos casos, deberá achegar a documentación pertinente.

19. DISPOSICIÓN FINAIS

19.1. A Organización resérvase o dereito de agrupar ou subdividir as seccións segundo o número de animais inscritos en cada unha delas.

19.2. As decisións do Xuíz serán inapelables, por tanto a participación nos certames supón acatalas.

19.3. A Comisión Organizadora decidirá sobre todos aqueles asuntos non contemplados no presente regulamento, así mesmo interpretará e decidirá, de maneira inapelable, sobre todas aquelas cuestións que poidan xurdir na interpretación do mesmo.

19.4. A participación supón a aceptación de todas as normas e preceptos recollidos neste regulamento.

* SECCIÓN DO CONCURSO *

SEC. 1: XATAS DE 5 A 7 MESES

Son as femias nadas entre o día 01 de agosto e o 31 de outubro de 2021

SEC. 2: XATAS DE 8 A 10 MESES

Son as femias nadas entre o día 01 de maio e o 31 de xullo de 2021.

SEC. 3: XATAS DE 11 A 13 MESES

Son as femias nadas entre o día 01 de febreiro e o 30 de abril de 2021.

SEC. 4: XATAS DE 14 A 16 MESES

Son as femias nadas entre o día 01 de novembro de 2020 e o 31 de xaneiro de 2021.

SEC. 5: XATA CAMPIONA DE GALICIA

Competirán as dúas primeiras femias, nadas en Galicia e propiedade de gandeiros galegos, clasificadas nas seccións 1ª, 2ª, 3ª e 4ª. Concederanse os títulos de *XATA CAMPIONA DE GALICIA* e *SUBCAMPIONA DE GALICIA "FEFRIGA 2022"*.

SEC. 6: XOVENCAS DE 17 A 20 MESES

Son as femias, nadas entre o día 01 de xullo e o 31 de outubro de 2020.

SEC. 7: XOVENCAS DE 21 A 26 MESES

Son as femias non paridas nadas entre o 01 de xaneiro de 2020 e o 30 de xuño de 2020.

SEC. 8: XOVENCA CAMPIONA DE GALICIA

Competirán as dúas primeiras femias, nadas en Galicia e propiedade de gandeiros Galegos, clasificadas nas seccións 6ª e 7ª. Concederanse os títulos de *XOVENCA CAMPIONA DE GALICIA* e *SUBCAMPIONA DE GALICIA "FEFRIGA 2022"*.

SEC. 9: MELLOR CRIADOR DE XOVENCAS

Compíte un grupo por explotación con tres femias non paridas, nadas na explotación, aínda que na actualidade pertencen a distintos propietarios, acadando o título de Mellor Criador e Segundo Mellor Criador de Xovenkas *"FEFRIGA 2022"*.



SEC. 10: XOVENCA GRAN CAMPIONA DE GALICIA

Competirán a Campiona e Subcampiona das seccións 5ª e 8ª. Outorgaranse os títulos de *XOVENCA GRAN CAMPIONA* e *RESERVA GRAN CAMPIONA* "FEFRIGA 2022".

SEC. 11: VACA NOVA ATA 26 MESES

Son as femias en lactación, nadas a partir do día 01 de xaneiro de 2020 inclusive.

SEC. 12: VACA NOVA DE 27 A 30 MESES

Son as femias en lactación, nadas entre o 1 de setembro e 31 de decembro de 2019.

SEC. 13: VACA NOVA DE 31 A 35 MESES

Son as femias en lactación, nadas entre o día 1 de abril e o 31 de agosto de 2019.

SEC. 14: VACA NOVA CAMPIONA DE GALICIA

Competirán as dúas primeiras femias, nadas en Galicia e propiedade de gandeiros Galegos, clasificadas nas seccións 11ª, 12ª e 13ª. Concederanse os títulos de *VACA NOVA CAMPIONA DE GALICIA* e *SUBCAMPIONA DE GALICIA* "FEFRIGA 2022".

SEC. 15: VACA INTERMEDIA DE 3 ANOS

Son as femias en lactación, nadas entre o día 01 de abril de 2018 e o 31 de marzo de 2019.

SEC. 16: VACA INTERMEDIA DE 4 ANOS

Son as femias en lactación, nadas entre o día 01 de abril de 2017 e o 31 de marzo de 2018.

SEC. 17: VACA INTERMEDIA CAMPIONA DE GALICIA

Competirán as dúas primeiras femias, nadas en Galicia e propiedade de gandeiros galegos, clasificadas nas seccións 15ª e 16ª. Concederanse os títulos de *VACA INTERMEDIA CAMPIONA DE GALICIA* e *SUBCAMPIONA DE GALICIA* "FEFRIGA 2022".

SEC. 18: VACA ADULTA DE 5 ANOS

Son as femias en lactación, nadas entre o día 01 de abril de 2016 e o 31 de marzo de 2017.

SEC. 19: VACA ADULTA DE 6 ANOS OU MÁIS

Son femias en lactación, nadas antes do 1 de abril de 2016, inclusive.

SEC. 20: VACA PRODUCCIÓN VITALICIA

Son femias en lactación cunha produción vitalicia de 65.000 Kg ou máis a data de 31 de decembro de 2021.

SEC. 21: VACA ADULTA CAMPIONA DE GALICIA

Competirán as dúas primeiras femias, nadas en Galicia e propiedade de gandeiros galegos, clasificadas nas seccións 18ª, 19ª e 20ª. Concederanse os títulos de *VACA ADULTA CAMPIONA DE GALICIA* e *SUBCAMPIONA DE GALICIA* "FEFRIGA 2022".

SEC. 22: MELLOR CRIADOR DE VACAS DE GALICIA

Compíte un grupo por explotación con tres femias paridas, nadas na explotación, aínda que na actualidade pertencen a distintos propietarios, concederanse os títulos de *MELLOR CRIADOR* e *SEGUNDO MELLOR CRIADOR DE VACAS* "FEFRIGA 2022".

SEC. 23: MELLOR DESCENDENCIA DE VACAS

Concederánselles un 1º e un 2º premio, segundo os puntos obtidos durante o concurso, ás femias nadas da mesma vaca, outorgándolle o premio ao propietario da vaca da que se puntué a descendencia.

SEC. 24: VACA GRAN CAMPIONA DE GALICIA

Competirá a Campiona e Subcampiona das seccións 14ª, 17ª e 21ª. Outorgaranse os títulos de *VACA GRAN CAMPIONA DE GALICIA* e *RESERVA GRAN CAMPIONA* "FEFRIGA 2022"

Nota: O xurado de admisión reservase o dereito de unir dúas seccións cando non se alcance un mínimo de 3 animais nalgunha delas, se ben, aínda que serán xulgadas xuntas na pista manteranse os premios de sección e os dereitos cara o campionato.